

廿二史攷異

南史
北史

南史三

廿二史攷異卅七

錢大昕學

梁宗室傳上

吳平侯景

祖道賜以禮讓稱居鄉有爭訟專賴平之

又周其疾急鄉里號曰墟王皆竊言其後必大仕宋

終於書侍御史齊末追贈左光祿大夫 道賜卽梁

武之祖其事迹當見于梁本紀乃別出于吳平侯傳

非史例也

長沙王懿 至五月有司方奏追皇考皇妣尊號 本

紀有司奏追尊考妣在閏四月

臨川王宏 正立弟正表封封山侯後奔樂山表弟正
信 按北史正表在梁封山陰縣侯而梁書南史俱
作封山侯此北史誤也樂山二字誤當云後奔東魏
表上脫正字
梁宗室傳下
安成王秀 殺豫州刺史司馬懷悅言懷字衍大世宋
鄱陽王範 誰當作天子草覆車邊已年範字从竹不
从艸隸書相溷耳右旁从巳不从己童謠多別字大
率如此
武帝諸子傳

昭明太子 太子以為疑命僕射劉孝綽議其事按
孝綽官太子僕非僕射也射字衍下文屢稱劉僕不
稱僕射可證

豫章王綜 綜改名纘 北史纘作贊當從之綜既自
稱東昏子必不肯與梁武諸兒同从系旁

南康王績 天監十年為南徐州刺史 按刺史都督
軍事者必加將軍號乃得開府置官屬如長史司馬
諮議參軍之屬皆以本府號為稱王僧孺傳為仁威
南康王長史以績鎮南徐州時加仁威將軍也僧孺
又為北中郎諮議參軍其時亦在績府以北中郎將

領南兖州刺史也傳於仁威將軍北中郎將之號皆削而不書而僧孺傳之文遂難通矣南史於刺史軍號什去其七八或并不書都督於例皆未畫一不如姚思廉書之詳善略舉一條餘可類推

邵陵王綸 復歸齊昌行收兵至汝南 按隋書地理志安陸郡之吉陽縣梁立汝南郡卽此傳之汝南非漢晉之汝南也

及廬陵之沒綸舛望滋甚於是伏戎于莽用伺車駕

按邵陵以險躁專殺再致削爵然思廉書初不言其曾有逆謀南史始于傳末及之其實全不可信綸卽

有舛望當在免官奪爵之日若廬陵之薨在太清元

年其時綸方鎮南徐中大同元年綸由丹陽尹除南徐州未行而侯景難

作南史俱失書竝無失意之事廬陵又非以罪死

何故僂生舛望若云廬陵旣沒以次當立當先謀害

東宮豈宜輒行構逆此情理所必不然者思廉論於

邵陵雖譏其險躁仍嘉其忠孝豈有謀逆之人而晚

節乃存忠孝者乎延壽好采它書而不察事理之有

無其失徃徃如此

簡文諸子傳

尋陽王大心 幼而聰明善屬文 按御覽引三國典

略云大心小名英童與大器同年十歲並能屬文嘗
雪朝入見梁武帝詠雪令二童各和並援筆立成此
事姚李二史皆失載

汝南王大封 魏尅江陵遇害 按梁書無大封傳北
史蕭大圜傳云于謹軍至元帝乃令大封充使大圜
副焉其實質也周保定二年大封爲晉陵縣公是江
陵陷後大封初未遇害南史元帝紀云汝南王大封
尙書左僕射王褒以下竝爲俘以歸長安與北史小
異亦不云被害蓋延壽雜采它書傳聞異詞彼此多
不相照也

曹景宗傳

臘月於宅中使人作邪許逐除 邪許梁書作野虜野
虜卽邪許之轉聲

鄧元起傳

初元起在荊州刺史隨王板元起爲從事別駕庾華堅
執不可 按庾華傳梁州人益州刺史鄧元起功勳
甚著名地卑瑣始興忠武王憺爲州將元起位已高
而解巾不先州官則不爲鄉里所悉元起乞上籍出
身州從事華不從與此傳事略同而一云隨王一云
始興王當有一誤攷始興鎮荊州卽梁武兵入建康

之日華既為荊州別駕無緣復在都城內且華以天
監元年卒其時方為會稽行事則任別駕必在齊代
此傳以為隨王子隆板授從事者蓋得之但永明之
世元起未為益州刺史功勳初不甚著又籍隸南郡
當陽非梁州人華傳所云皆失其實

庾子輿傳

巴東有淫預石 淫預即濫預也淫豔聲相近後人又

加水旁

呂僧珍傳

東海范陽人也 梁書無陽字按東海固不得有范陽

縣而攷之宋志范縣亦隸東平非東海也 漢志范縣屬東郡

沈約傳

轉加建威將軍河東太守 此河東郡屬荊州與上文

河東太守據蒲坂者各一地宋書州郡志南河東郡

晉征西將軍庾亮以司州僑戶立去州水一百二十

者即此河東也隋志松滋縣江左舊置河東郡

永初三年卒少子璞嗣 按宋書自序林子封漢壽縣

伯子邵嗣邵卒子侃嗣侃卒子整應襲爵齊受禪國

除是璞未嘗嗣林子之封也南史誤以合本書之體

其制自序大略如此 此篇首全用沈約自序蓋仿漢

書司馬遷揚雄傳之例愚意當以沈田子林子標目與王鎮惡諸人同卷而以約衆附之乃合本書之體例

又為征西記室帶關西令關西當作厥西

南郡范雲郡當作鄉

進號征虜將軍南河清太守河清當作清河

謝元暉善為詩任彥昇工於筆約兼而有之謝任二人稱字不稱名非史法

范雲傳

南鄉舞陰人晉平北將軍汪六世孫也按范泰傳云

順陽人泰為汪之孫雲為六世孫而籍貫互異者南鄉即順陽梁代避諱改名也以南史之例言之雲亦當類敘於泰傳之後

孫伯翳太原人按上文已云太原孫伯翳此又云太原人未免重複之病

韋叡傳

賊已至城下方復求軍梁書此下有臨難鑄兵豈及馬腹二句詞意乃足

初帝勅景宗曰韋叡卿鄉望宜善敬之按景宗新野人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

人韋為京兆望族與新野遠不相及而云鄉望者晉

南渡後僑立京兆郡於襄陽西界因以襄陽為雍州
割南陽新野諸郡屬焉故有鄉望之目景宗傳亦云
為人自恃尚勝雖公卿無所推唯以韋叡年長且州
里勝流特相敬重

載弟鼎 按韋鼎在隋書藝術傳當依姚僧垣父子徐

文伯祖孫之例以鼎別入北史

僧垣在北史子察在南史徐文伯在南史

孫之才若吳明徹裴忌之徒兵敗被執周隋雖嘗廢
以官爵實與閑廢無異其事迹具在南朝又不可闕
而不書延壽列諸南史自為允當未可以一偏之見
輕議也

江淹傳

齊受禪復為驃騎豫章王記室參軍 梁書作驃騎建

安王記室帶東武令攷是時豫章王疑為驃騎大將
軍都督揚南徐二州諸軍事淹為其府記室因帶東
武令東武屬南平昌郡正在南徐州部內梁書作建
安王者蓋轉寫之譌延壽所見本尚未誤也但南史
於記室參軍下別敘掌國史事五十餘言乃云又領
東武令參掌詔策則失其倫次矣當時府僚無不帶
守令者南史諸傳中芟去幾什之六七此又不書於
記室參軍之下似東武令別一清要之職者殊可深

怪子嘗譏李氏昧於官制證之此傳益信

王儉嘗謂曰卿年三十五已爲中書侍郎按淹以天監四年乙酉卒溯其生年當在宋元嘉二十一年甲申計齊受禪之歲已三十有六矣又閱二三年乃遷中書侍郎不得云年三十五也此語不載於梁史延壽別采它書益之未可盡信

襄陽人開古冢得竹簡古書字不可識王僧虔善識字體亦不能諳直云似是科斗書淹以科斗字推之則周宣王之簡也按王僧虔傳雍州有盜發古冢獲竹簡書以示僧虔云是科斗書考工記周官所闕文

也此卽一事而傳聞互異齊梁之世雍州治襄陽非兩地也

爲宣城太守時罷歸按淹爲宣城太守在齊明帝時南史於上文旣刪去出守一節則此語無根

王僧孺傳

魏衛將軍肅八世孫也曾祖雅晉光祿大夫儀同三司按晉書雅爲肅之曾孫而僧孺又雅之曾孫并肅數之似止七世予以三國志注引晉諸公贊推之則肅子虔虔子隆隆子景景子雅雅實肅之元孫自肅至僧孺正是八世晉書偶誤尔

祖準之宋司徒左長史 晉書作散騎侍郎琅邪王氏

亦有準之 或作准之避 宋順帝諱 姓名同而望各異也

侍郎金元起欲注素間 金當作全

徐勉傳

慧日十住等既應營昏 慧日十住當是兩子小字十

住疑卽悱也悱嘗爲晉安內史故云近修東邊兒孫

二宅乃藉十住南還之資

聞汝所買湖熟田地甚爲烏鹵 湖熟梁書作姑熟當

以湖熟爲正漢時丹陽郡有湖熟縣今上元縣南五

十里地名湖熟卽漢故城所在

陳慶之傳

時魏濟陰王元徽業 徽當作暉

蘭欽傳

中昌魏人也 按齊魏二志未見中昌魏之名

徐陵傳

後主銜之至是謚曰章僞侯 按陳書謚曰章無僞字

周書謚法篇亦無以僞爲謚者恐未足信

陳宗室諸王傳

方泰嘗上曰不承則叵測 叵當作上

岳陽王叔慎 隋遣內陽公薛胄爲湘州刺史 內陽

陳書作中牟攷之北史薛冑傳冑襲封文城縣公亦未嘗爲湘州刺史當有一誤
義陽王叔達武德中位侍中封江國公歷禮部尚書卒按褚亮歐陽詢虞世南姚思廉之徒雖名見南史而不言唐官惟陳後主太子深云武德初爲祕書丞卒官及叔達此傳耳

黃法蕤傳

梁元帝承制授交州刺史資領新淦縣令按梁末增置之州多而刺史資亦輕又遙授非實土故有以刺史資而領郡者程靈洗以譙州刺史資領新安太守

徐世譜以衡州刺史資領河東太守是也法蕤以刺史資領縣令又異數矣

錢道戢傳

封永嘉縣侯陳書作永安

駱文牙傳

駱文牙陳書無文字

封臨安縣侯陳書作常安

宗元饒傳

時合州刺史陳褒褒陳武帝從子封鍾陵縣侯者

謝岐傳

弟嶠篤學爲通儒 按謝嶠仕陳爲國子祭酒撰尔雅音見陸氏經典釋文隋書經籍志又有謝嶠喪服義

十卷

循吏傳 杜驥 亡高祖因晉氏喪亂播遷涼土 按坦與驥爲

昆弟上文云曾祖耽避難河西此云亡高祖播遷涼

土前後互異

虞愿 出爲晉安太守 晉安當作晉平

儒林傳

伏挺 父友樂安任昉 按挺父暉傳已書樂安任昉

則此樂安字當省韋放傳稱吳郡張率其子粲傳又

稱吳郡張率亦當省去其一

沈文阿傳

春秋禮記孝經論語義記七十餘卷 陸元朗云梁東

宮學士沈文阿撰春秋義疏闕下秩陳東宮學士王

元規續成之

文學傳

宋史不立文學傳 按宋書無儒林文苑之目齊書有

文學而無儒林故延壽史儒林自梁始文學則宋世

竟無一人皆承襲舊史無所增益竊謂宋之文士無

過謝顏既各有專傳若鮑照之詩賦山謙之蘇寶生
徐爰之史皆一時作者以冠文苑良無愧詞而延壽
未見及此錄錄因人是可怪也

高爽 孫抱東莞人父廉吳興太守 按孫廉名見循

史傳彼傳載高爽作屐謎事若移入此傳則事類相
比而文亦可省且亦爲良吏隱惡也

賈希鏡 祖弼之晉員外郎父匪之驃騎參軍 按王
僧孺傳言晉太元中員外散騎侍郎平陽賈弼篤好
簿狀弼子太宰參軍匪之匪之子長水校尉淡世傳
其業希鏡卽淡字也本名淵史家避諱或舉其字或

易爲淡耳彼傳單名弼此云弼之亦小異

劉昭 祖伯龍官至少府卿 按孝義傳伯龍嘗爲盱
眙太守

昭集後漢同異以注范蔚宗後漢世稱博悉 按宣卿

本注范史范史無志乃借司馬舊志注以補之傳云
集注後漢一百八十卷合司馬志言之也隋志後漢
書一百二十五卷梁剡令劉昭注卷數與此不同自
章懷改注而劉注失傳惟續志三十卷則章懷以非
范氏撰故不注而劉本遂流傳到今

鍾嶸 時居士何子季築室若邪山山發洪水漂拔樹

石此室獨存元簡令嶸作瑞室頌以旌表之此事
已見子季傳但據彼傳則室當在秦望山非若邪山
也

何思澄每宿昔作名一束曉僂命駕名謂名刺漢
魏人所謂爵里刺也

孝義傳上

郭原平太守蔡興宗臨郡以私米饋原平及山陰朱
百年妻各百斛原平誓死不受百年妻亦固辭按
百年妻辭饋米已見隱逸傳此重見

江泌梁武帝以爲南康王子琳侍讀梁當作齊

孝義傳下

褚脩吳郡錢唐人也褚氏望出河南過江以後多居
錢唐裕之彥回傳稱河南陽翟人者舉其望此與伯
玉竝稱吳郡錢唐人者據其實也宋文帝言天下有
五絕而皆出錢唐褚欣遠模書褚嗣園基居其二焉
今杭州城內有褚家塘相傳遂良宅也

父仲都善周易隋書經籍志有褚仲都周易講疏十

六卷

隱逸傳上

陶潛字淵明或云字浚明名元亮上淵字亦當爲浚

此後人追改或云以下當云名淡明字元亮傳寫真到耳

江州刺史檀道濟往候之 按道濟為刺史在宋元嘉初傳書此事於為鎮軍建威參軍之前先後失次攷宋書無此事延壽采之它書不及檢照年月

雷次宗 子肅之頗傳其業 按隋志梁有禮記義疏三卷宋豫章郡丞雷肅之撰

關康之 河東楊人也世居京口寓居南平昌 按宋書孟懷玉平昌安邱人而世居京口蓋南平昌即僑立京口非有兩地

顧歡 吳興鹽官人也 按鹽官縣屬吳郡不屬吳興郡陸氏釋文亦云吳郡人

隱逸傳下 徐伯珍 世呼為婦人巖二年伯珍移居之 二年字於上下支不相屬疑有誤

阮孝緒 所著七錄削錄等一百八十一卷 按隋志正史削錄九十四卷七錄十二卷

陶宏景 以宋孝建三年景申歲夏至日生 按本傳陶以梁大同二年卒年八十五溯其生年當是元嘉二十九年壬辰前後自相矛盾且史例諸臣傳亦無

書其生年者

恩倖傳

孝武以來士庶雜選如東海鮑照以才學知名又用魯郡巢尚之江夏王義恭以為非選按六朝人重門第故寒族而登要路者率以恩倖目之鮑明遠以才學為中書舍人已不免士庶雜進之嫌徐爰有史才生平亦無大過沈休文列諸恩倖或以修史之嫌有意貶抑南史因而不改殊未得好惡之平矣杜文謙忠於王室致命遂志乃附見茹法亮傳尤非善善惡惡之義

南史

北史一

廿二史攷異卅八

錢大昕學

魏本紀一

神元帝元年歲在庚子魏文帝黃初元年也

帝乃告諸大臣為與晉和親計四十二年遣子文帝如

晉是歲晉景元二年也景元魏常道鄉公年號其

時晉未受禪也魏收書晉字皆作魏此誤

平文帝元年歲在丁丑晉元帝建武元年也

昭成帝建國元年晉成帝咸康四年也是年歲在

戊戌

聘慕容晃女為皇后 是時什翼犍自稱代王其妻不
應有皇后之稱魏史追書之耳晉書晃作皝皝俗字
劉務桓死其弟闕頭立 僭偽傳作闕陋頭 按
十二月至雲中旬有二日皇子寔君作亂帝暴崩 按
晉書苻堅載記涉翼犍 卽什翼犍戰敗遁于弱水退還陰
山其子翼圭縛父請降堅以翼犍荒俗未參仁義令
入太學習禮以翼圭執父不孝遷之於蜀是翼犍嘗
被執至長安魏史諱而不言爾延壽生於唐世無所
諱忌乃不取本朝御撰之書而仍伯起曲筆之史是
其短也

道武帝 元年葬昭成皇帝于金陵 自什翼犍被執

道武逃竄賀蘭部僅得存活代之無主者九年魏收
於昭成沒後卽稱道武帝元年以至九年誕妄之甚

也北史不當仍之

明人編通鑑綱目前編以夏少康始生之歲卽為元歲蓋仿魏收之

例然自古未有無國而稱元年者

登國元年劉顯遣弟亢泥 后妃傳作亢塗

三年慕容垂遣使朝貢 按登國三年四年再書垂遣

使朝貢亦沿魏收之文是時拓跋雖自立國猶臣屬

於燕乃以燕使至為朝貢何顏之厚乎明元永興三

年五年神瑞元年屢書姚興遣使朝貢秦於魏為敵

國亦不當云朝貢此皆宜改而不改也

皇始二年寶弟賀麟將妻子走西山賀麟一名麟晉

書後燕載記所謂趙王麟也劉庫仁傳後奔慕容麟

稱趙王麟

城內共立慕容普隣為主晉書載記所謂慕容詳也

明元帝母曰劉貴人按后妃傳云登國初納為夫

人未見貴人之稱

魏本紀二

文成帝母曰閭氏按后妃傳景穆皇后郁久閭氏

河東王毗妹也郁久閭本蠕蠕之族太和中改稱閭

氏外戚傳亦但稱閭毗唯后妃傳稱郁久閭於史例

殊不畫一

與安元年十一月皇或作王誤妣閭氏薨按后妃傳少以

才選入東宮有寵生文成皇帝而薨文成即位追尊

號諡是閭氏之薨在文成即位以前紀書于即位之

前後自相矛盾

魏本紀三

孝文帝太和二十二年正月拔新野斬其太守劉忌

齊南齊書作劉思忌

魏本紀四

孝明帝皇曾孫故臨洮王寶暉世子釗體自高祖
寶暉當是京兆王愉之子愉得罪死後追封臨洮王
史不言何人嗣王蓋卽寶暉也寶暉之子於孝文爲
應曾孫故稱皇曾孫

論比之漢世安順宣武之後繼以元成 按延壽史
論多襲舊史之文此篇前半用魏收世宗紀論後半
用肅宗紀論也世宗論末云比夫漢世元成安順之
儔歟肅宗論首云宣武已後政綱不張延壽本用其
語後來轉寫慎到又爲妄人改竄文義遂不可通當
依魏書正之

魏本紀五

永安二年遷文穆皇帝及文穆皇后神主于太廟 按
自古帝王由藩國入繼雖或追崇本生未有升祔太
廟者元魏孝莊始尊其父爲文穆皇帝遷主太廟而
以孝文爲伯考此末季贖禮之事不足爲訓魏收錄
以爲戒而論復申言之以爲高祖不祀武宣享廟知
其福祿之不永可謂深切著明矣其時臨淮王彧上
表切諫言漢祖勅業香街有太上之廟光武中興南
頓立春陵之寢元帝之於光武疏爲絕服猶尙身奉
子道入繼大宗高祖之於聖躬親實猶子陛下旣纂

洪緒豈宜加伯考之名帝竟不納明嘉靖議禮正用
孝莊故事永嘉諸臣猖狂罔忌識見更出元魏禮官
下矣

文帝大統元年立妃乙氏為皇后其后妃傳作乙弗

氏乙弗本複姓太和中改稱乙氏乙渾亦稱乙弗渾見陸麗高允傳

孝靜帝天平元年以魏郡林慮廣平陽邱汲郡黎陽

東濮陽清河廣宗等郡為皇畿陽邱當作頓邱魏

志無東濮陽蓋謂東郡濮陽郡也東下脫郡字

齊本紀上

神武帝六世祖隱晉元菟太守隱生慶慶生泰泰生

湖按高湖事無足取魏收以齊獻武之曾祖特為

立傳延壽刪之是也但慶泰兩世皆有名位湖賜爵

東阿侯諡曰敬皆應敘于紀中而全不書則又失之

畧矣神武祖諡贈太尉公諡武貞父樹生贈太師渤

海王諡文穆亦紀所不應畧者

抵揚州邑人雁蒼鷹此揚州縣名在并州界中高孝

緒封揚州縣開國公即此神武從祖兄子永樂太昌初封揚州縣伯進爵為公

遠近聞之皆稱高儀同將兵整肅按上文無除儀同

三司一節則此語為無根

遂西尅潼關執毛洪賓賀拔勝傳作毛鴻賓鴻賓亦

有傳鴻洪古通用字也魏孝武紀亦作洪賓

齊本紀中

文宣帝天保元年六月封司空公潘相樂為河東王

司空潘相樂為司徒六年六月河東王潘相樂薨

按本傳樂字相貴不名相樂然魏孝靜帝紀齊書文

宣紀俱作相樂

孝昭帝幼主即位乃即朝班幼主即廢帝也

之中兩稱幼主一稱少主一稱廢帝

周本紀上

文帝普回因狩得玉璽三紐文曰皇帝璽普回以為

天授已獨異之按後周之先出自匈奴宇文而紀

所述世系與匈奴宇文莫槐傳互異紀稱普回子莫

那莫那九世至侯豆歸為慕容晃所滅傳稱莫槐弟

普撥普撥子邱不勤邱不勤子莫庖

遜昵延晉書作悉獨官遜昵延父子世雄漠北又先得玉璽

三紐自言為天所相每自誇大遜昵延死子乞得龜

立別部人逸豆歸殺乞得龜而自立為慕容晃所敗

遠遁漠北自是散滅兩篇所述人名世系無一同者

一據周書一據魏書也延壽生于唐初去周末遠何

以不攷乃爾

夏州刺史解拔彌俄突 解當作斛 周書齊本紀天平

三年神武襲西魏夏州禽其刺史賀拔俄彌突即此

人也斛賀聲相轉 齊書卷八十八

都督彌姐元進 彌姐羌復姓也見廣韻慕容民說

遣儀同李諱 按舊唐書令狐德棻傳德棻嘗從容言

於高祖曰陛下既受禪于隋復承周氏歷數國家二

祖功業竝在周時如文史不存何以貽鑒今古此修

史之議所由昉也其後德棻專司周書雖不復為二

祖立傳乃其功績敘述亦復寥寥北史所載大率因

周書舊文如是年遣儀同李諱與李弼趙貴等討曹

泥於靈州諱引河水灌之大統四年開府李諱念賢

等為後軍及李諱等至長安李弼傳使持節太尉柱

國大將軍大都督尙書左僕射隴右行臺少師隴西

郡開國公李諱王盟傳趙青雀之亂盟與開府李諱

輔太子出鎮渭北皆謂李虎也周本紀天和六年以

大將軍李諱為柱國此謂李昞也凡校書須仍元文

周書於李諱字皆改為虎并天和六年李諱亦作虎

則謬妄之甚矣唐書稱周閔帝受禪虎已卒乃追封

唐國公安得至武帝朝且虎在西魏時為八柱國之

一豈待天和中始授柱國乎

恭帝元年魏史柳虬執簡書告於朝曰 按宇文泰於
孝武躬行弒逆較之高歡之逐君罪又甚焉柳虬之
簡盧辯之誥矯誣詐僞乃王莽大誥之流何足汚史
策乎南北史刪改八書凡詔牋賦頌之類多所芟落
然尙有當刪而不刪者如顧歡袁粲佛老之辯徐勉
戒子之書劉峻之廣絕交王劭之表符命衛操之立
碑蘇綽之大誥皆是也

孝閔帝 元年正月天王卽位 史失書卽位之日據
周書乃辛丑日也魏恭帝以十二月庚子遜位次年
正月辛丑周主卽位蓋月之一日

明帝 武成元年正月初改都督諸州軍事爲總管
王懋竑曰前此都督結銜皆云都督幾州軍事某州
刺史北史變其例云都督某州刺史取省文耳自改
稱總管以後史但書某州總管不云刺史似結銜亦
異於前矣然攷周書蔡國公廣傳除秦州總管十三
州諸軍事秦州刺史齊王憲傳除益州總管益寧巴
盧等二十四州諸軍事益州刺史李弼傳李輝總管
梁洋等十州諸軍事梁州刺史李柵總管延綏丹三
州諸軍事延州刺史尉遲綱傳除涇州總管五州十
一防諸軍事涇州刺史又爲陝州總管七州十三防

諸軍事陝州刺史侯莫陳瓊傳遷金州總管六州諸
軍事金州刺史轉荊州總管十四州八防諸軍事荆
州刺史据此則止改都督爲總管而其職在不異本
紀但云某州總管者止以所治之州冠于總管之上
以取簡便非當日結銜之本然也隋有揚并益荆四
大總管又有諸總管皆以某州總管爲名似與周異
然攷隋書秦王俊傳云揚州總管四十四州諸軍事
并州總管二十四州軍事蜀王秀傳云益州刺史總
管二十四州諸軍事皇甫績傳云信州總管十二州
諸軍事則仍與周同但史家例書某州總管惟列傳

偶一見之耳大昕按北史於總管結銜亦有全書者
長孫儉傳授總管荆襄等五十二州諸軍事行荊州
刺史轉陝州總管七州諸軍事陝州刺史李弼傳出
爲總管延綏丹三州諸軍事延州刺史侯莫陳穎傳
拜桂州總管十七州諸軍事王謙傳授益州總管十
八州諸軍事權景宣傳授荊州刺史總管十七州諸
軍事尉遲迴傳除秦州總管秦渭等十四州諸軍事
韋孝寬傳除徐兗等十一州十五鎮諸軍事徐州總
管崔彥穆傳拜安州刺史總管十二州諸軍事又除
金州刺史總管七州諸軍事又爲襄州刺史總管六

州諸軍事令狐熙傳拜桂州總管十七州諸軍事王
慶傳總管汾石二州五鎮諸軍事汾州刺史是也但
其時設州既多加以鎮防名色紛縲不能如晉宋諸
書之例史家競趨簡易約舉數州後之攷地理者仍
無從舉其名目耳唐時諸州都督結銜猶依舊式如
尉遲敬德碑云授襄都鄧浙唐五州都督襄州刺史
贈使持節都督并蔚嵐代等四州諸軍事并州刺史
王湛碑云贈使持節都督瀘榮溱珍四州諸軍事瀘
州刺史楊志本碑云除都督潭衡等七州諸軍事潭
州刺史皆其明證而史家省文祇書某州都督而已

隋本紀上

文帝 魏初爲武川鎮司馬因家于神武樹頽焉 樹
頽縣名屬神武郡魏書地形志作殊頽蓋避高歡父
諱

以東魏之逼與信俱歸 紀不書犇梁事史臣諱之

以隋州之崇業鄖州之安陸城陽溫州之宜人應州之
平靖上明順州之淮南士州之永川昌州之廣昌安
昌申州之義陽淮安息州之新蔡建安豫州之汝南
臨穎廣寧初安蔡州之蔡陽郢州之漢東二十郡爲
隋國 按鄖州之名不見於隋志據隋志安陸城陽

二郡皆屬安州則鄖州卽安州矣崇業宜人永川建
安四郡隋志皆無之士州志作土州未知孰是
開皇六年山南荆浙七州水 浙當作浙周隋置浙州
於浙陽卽後魏析州也浙非州名此轉寫之譌
十八年祀宋陳亳曹戴潁等州水 戴州卽濟陰之成
武縣開皇十六年置州

隋本紀下

煬帝 王懋竑曰此紀全是隋書之文畧無增減詔令
載於南北史者較本書不過什之二三獨此紀皆載
全文大業八年征遼詔千有餘言亦備載不遺一字

疑北史闕此卷後人以隋書補之耳北史本紀例稱
帝此篇獨稱上亦一證也 大昕按北史紀傳後皆有
論曰獨此篇稱史臣曰
后妃傳上

三嬪視三卿六嬪視六卿世婦視中大夫 按靈太后
初入掖庭爲承華世婦旣誕明帝進爲充華嬪明帝
充華潘氏亦稱潘嬪是嬪與世婦皆別有嘉名史家
不能悉舉耳

魏文成皇后馮氏 父朗秦雍二州刺史西城郡公

外戚傳作遼西郡公

太后立文宣王廟于長安 按外戚傳馮朗追贈燕宣

王立廟長安文宣當為燕宣之譌

故杞道德王遇張祐苻承祖等 杞道德卽抱疑也恩

幸傳疑字道德其先姓杞

文成皇后李氏梁國蒙縣人 李崇傳作頓邱人頓邱

蓋其族望而家於蒙縣也

母頓邱王峻之妹也

宣武靈皇后胡氏 時太后逼幸清河王懌 按元義

傳言懌以親賢輔政每欲黜義遂令通直郎宋維告

司染都尉韓文殊欲謀逆立懌懌坐禁止後窮案無

實義恐懌終為已害乃與侍中劉騰密謀詐言懌貨

中黃門胡度等金帛令以毒藥置御食中以害帝帝

信之初不言太后逼幸事清河王懌傳亦言元義恃

寵驕盈懌每抑黜之義黨人希旨告懌謀反禁懌門

下訊問左右得釋焉正光元年義與劉騰逼孝明於

顯陽殿閉靈太后於後宮囚懌于門下省懌罪伏遂

害之亦不言宮壺事然則逼幸清河一節乃元義輩

誣讖之辭未可信為實然也

文帝后乙弗氏 高祖莫瓌擁部落入附拜定州刺史

封西平公 莫瓌卽乙瓌也已見列傳十三卷三世

尚公主封號俱於彼傳詳見之此云莫瓌拜定州刺

史而彼傳不書蓋西魏四后皆魏收書所無延壽別采它書增益之故前後不相檢照并不悟莫瓌與瓌之卽一人也

后妃傳下

齊武明皇后婁氏及茹茹公主至后避正室處之

茹茹與蠕蠕音本相似然北史紀傳諸篇皆依魏收

書作蠕蠕無有作茹茹者惟后妃傳序例云神武所

聘茹茹女稱茹茹公主此篇亦有茹茹公主之文而

上文卽云神武逼于蠕蠕欲娶其女此後仍書蠕蠕

公主一卷之中不相檢照如此難免後人之指摘矣

周文皇后元氏 魏孝武之妹也初封平原公主按

魏本紀孝武從妹不嫁者三一曰平原公主明月南

陽王同產也是同時有兩平原公主矣

張瓊傳作平原公主

宣華夫人陳氏容華夫人蔡氏 按前卷序隋文置三

夫人九嬪之名無云宣華容華者

魏諸宗室傳

宜都王目辰 乙渾謀亂目辰順陽公謀殺之 順陽

上當有與字

華山王鷲 咸陽王坦謂鷲曰孔雀老武官何因得王

鷲答曰斬反人元禧首是以得之 按鷲封王在孝

莊時距咸陽王禧之誅已二十八九年矣本傳及禧傳俱不載斬禧事恐未可信魏書此卷已亡卽用北史補之疑此延壽所增非魏書本文

子思 尋魏書崔琰傳晉文陽傳嘏傳皆云既為中丞

百察震悚 按三國志崔琰傳嘏二傳竝不云為御

史中丞晉文陽或疑晉陽秋之譌然嘏魏人非晉人

也

昭成皇帝九子庶長曰寔君次曰明元帝 明元當作

獻明

順 後拜南豫州刺史 南豫州治懸瓠城魏書地形

志但稱豫州無南字

素 休屠郁原等叛素討之斬渠率徙千餘家于涿鹿

之陽立平原郡以處之 此平原郡在幽州界內魏

收志失載

可悉陵 沮渠茂虔令一驍將與陵相擊 茂虔紀傳

皆作牧犍牧茂聲之轉犍虔音同

紹 宣武詔令檢趙修獄以修佞幸因此遂加杖罰令

其致死 按趙修傳不見元紹姓名

壽興 洛陽男子姓元名景 按壽興名景不見于史

當由名犯唐諱故書其字此銘作韻語不可稱字乃

以景代之耳
疑 斷疑要而出
要下有闕文當是要帶之類魏書

此篇亡後人取北史補之要字下注闕

淑 秦州河東杼柚代春
按魏初置秦州於河東故

有秦州河東之謠監本秦作秦蓋據魏書地形志校

改然其時自有秦州治天水不應同時有兩秦州當

以秦爲正

道武七王傳

江陽王繼 大都督節度西道諸軍事
據此則節度

之名元魏已有之不始於唐也

太武五王傳

廣陽王浚 浚本名淵唐人避諱追改北史列傳中鄧

彥海侯浚張浚皆名淵或改爲浚或稱其字

景穆十二王傳下

東阿公順 僕射李思沖尙與王洛誠同傳以此度之

魏卿亦應繼其卷下 按元順所舉當是魏書舊本崔

勳鴻諸人所修今魏收史列王獻於恩倖而李沖別爲

傳不如舊史臣之直筆矣

文成五王傳 以精又餘其風餘不當以按元史魏書云

安樂王長樂 皇興四年封建昌王 此事本紀失書

鑒樂斬首傳洛詔改姓元氏莊帝初許復本族按元
文爲國姓鑒以謀反絕其屬籍不當仍姓元氏魏書云
改其元氏似爲得之筆矣

獻文六王傳今應外史改王熲文以許而李斬熲爲
廣陵王羽今解卿長兼可光祿大夫守尙書書按長
東兼與守皆非正授之名據此傳于果以長兼尙書降
景爲守尙書則守下於長兼一等矣

廣陵王欣恭帝初遷大丞相薨魏本紀不載此事
且是時宇文泰擅權未必以大丞相之名假人恐不
大可信王書

彭城王勰

嫡子劭字子訥襲封

按勰第三子子攸

封長樂王卽孝莊帝也子攸弟子正封始平王於河
陰遇害又孝莊兄子小字伽邪封陳留王傳皆失書
劭子韶襲封彭城王按韶弟襲武定元年封武安王
傳亦失書

大誅元氏自昭成已下竝無遺焉

按元文遙元景安

俱昭成之後賜姓高氏元蠻道武之後以女嫁孝昭
苦請得免賜姓步孤氏又元士將昭成之後武成時
官將作大匠元景皓亦昭成之後以不肯改姓誅家
屬徙彭城則其時仍有漏網者矣此傳云前後死者

七百二十一人當得其實齊本紀云殺三千人恐史家已甚之詞

北海王詳 妃宋王劉昶女 按咸陽王禧傳詳聘吏部郎中滎陽鄭懿女

孝文六王傳 孝文諸子京兆王愉之子為西魏文帝廣平王懷之子為孝武帝清河王懌之孫為孝靜帝而篇中皆不見其名知此卷文字脫漏多矣

京兆王愉 孝武初為護軍將軍 孝武當作宣武

於是孝武攝愉禁中 孝武當作宣武

孝武詔尙書李平討愉 孝武當作宣武

後靈太后令愉之四子皆附屬籍追封愉臨洮王寶月乃改葬父母追服三年 愉四子其一為臨洮王寶暉其一為南陽王寶炬其一當是寶月其一不可攷矣寶月上當有脫文

清河王懌 孝武初拜侍中 孝武當作宣武

又言于孝武曰 孝武當作宣武 孝武笑而不應 孝武當作宣武

聞懌之喪為之勢面者數百人 按本紀正光四年追封懌為范陽王尋復為河間王其子亶嗣封清河史不著其年月大約在孝莊朝也普泰元年以亶為太

傅永熙元年爲司徒孝武西遷齊神武推亶爲大司馬承制行事未幾立亶子善見爲帝卽孝靜帝也天平三年亶薨興和二年封皇兄景植爲宜陽王皇弟威爲清河王謙爲潁川王皆懌孫也

廣平王懷闕曰此傳全篇已亡僅存三十二字不知所

謂攷本紀懷以太和二十一年封明帝卽位由驃騎大將軍進司空遷太保領司徒熙平二年薨孝昌二年封懷長子誨爲范陽王官至左僕射爲尔朱兆所殺文帝大統中有廣平王贊疑亦懷之子

汝南王悅此篇亦多脫文悅以景明四年封熙平二

年爲儀同三司坐殺人免官皆不書此闕漏之顯然者

悅乃爲大剗碓置於州門此悅都督徐州時事其上

又有脫文

孝武以廣陵頗有德望以悅屬尊地近內懷畏忌故前後害之廣陵謂節閔帝也廣陵安定東海皆嘗登大位悅亦爲梁所立故孝武忌而害之豈以其德望及屬尊故邪東海安定於屬本疏又無德望何亦死於非命史所言失其實矣

河望何衣派

豈以其斷望

東新皆嘗登

內謝吳息始前

北史一

北史二

廿二史攷異卅九

錢大昕學

衛操傳

魏軒轅之苗裔言桓穆二帝統國馭衆威禁大行此
 傳載衛操所立碑文古質可誦中多韻語極似漢碑
 惜爲史臣改竄失其本真篇首云魏軒轅之苗裔攷
 其時未有魏號以文義度之當云鮮卑拓跋氏也碑
 爲猗奄而立必書晉所授官爵及猗奄猗盧二人名
 篇內稱桓穆二帝亦史臣所改

尉古真傳

太武即位命眷與散騎侍郎劉庫仁等 此又一劉庫

仁內詳 卷之二 帝本史曰祖題

穆崇傳

從太武田嶧山有虎突出北史避唐諱改虎爲武或
爲獸或爲猛獸或爲彪或爲豹今刊本間有虎字如
隋本紀西方以白虎南方以朱雀崔浩傳欲以駒犢
齒虎口封軌傳黃圖白虎通高昂傳高敖曹地上之
虎王慧龍傳義隆畏將軍如虎楊大眼傳北涪郡常
有虎害溪山之虎尙所不免奚康生傳贊以熊虎之
姿奮征伐之氣綦連猛傳本欲尋山射虎張定和傳

贊虎嘯風生庾季才傳吾今譬騎虎誠不能下矣皆
校書者妄改非李氏元文又如韓擒虎史皆作韓擒
而王頒傳有韓擒虎字此傳前云有虎突出後云有
力如武皆後人率爾妄改又不能盡改也

莫含傳

世稱莫含壁含音訛或謂之莫回城云含回聲相近
尉古真傳北史尉古真

明元初爲鴻飛將軍鎮大洛按魏書官氏志太祖制
定官號不依舊名諸曹走使謂之鳧鴨取飛之迅疾
以伺察者爲候官謂之白鷺取其延頸遠望此以鴻

飛為將軍之號亦當取迅疾之義
長孫儉傳 按周明帝武成元年始改都督諸州軍事為
總管儉鎮荊州尚在周末受禪以前而云總管者史
家追書之

長孫平傳 賀若弼鎮壽陽帝恐其懷貳遣平代之弼果不從平麾
壯士執弼送京 按賀若弼傳無不從被執事

長孫幼傳

孝文以其幼承家業賜名幼字承業 幼本稚字延壽
避唐諱改之唐人重廟諱南北史於嫌名皆不書如
長孫稚改為幼李稚廉改為幼廉孔稚孫改為幼孫
謝稚改為孺子孔稚珪單稱珪以稚洽音同也宗炳
字少文庾炳之字仲文劉秉字彥節皆書其字以炳
秉與丙音同也沈滸字仲高只書仲高以滸虎音同
也魏宗室傳引漢書宣秉傳仍作秉乃校書者所改
非延壽本文 南史江秉之北史崔
秉或亦後人所改
尋而正平郡蜀反復假承業鎮西將軍討蜀都督頻戰
有功 按本紀孝昌三年六月絳蜀陳雙熾聚眾反

自號始建王曲赦平陽建興正平三郡詔假鎮西將軍都督長孫承業討雙熾平之正平卽絳也雙熾本蜀人而僑居於絳故有絳蜀之稱

胡三省云蜀人徙居絳都者謂之絳蜀

長孫晟傳

以宗女封安義公主以妻之 安義突厥傳作義安

于栗磾傳

遷豫州刺史 此豫州治洛陽

宋隱傳

隱弟宣與盧元高允崔建從子愔俱被徵拜中書博士

後拜侍郎行司徒

袁延禧曰當作司隸

校尉卒謚曰簡侯宣子

謨襲爵 傳失書宣之封爵以高允徵士頌攷之恭

封中都侯也

愔歷中書博士員外散騎常侍爵列人子 高允傳作

列人侯按魏書隱第三子溫世祖時徵拜中書博士

卒追贈列人定侯疑溫與愔本一人耳

刁靡傳

遷徐州刺史賜爵東安伯 魏書作東安侯此云伯者

誤也又下文云子遵襲爵太和中例降爲侯而靡傳

不見進爵爲公之文疑有脫誤

魏書同

唐和傳

晉西宜安人也 晉西當作晉昌

寇讚傳

讚弟謙有道術太武敬重之 卽天師寇謙之也傳脫之字

拜讚南雍州刺史軹縣侯於洛陽立雍之郡縣以撫之

此州魏志不載蓋在宋武已殂奚斤入洛陽之後

與洛豫二州同置

源懷傳

臣有家勳不霑茅土之錫 按懷父賀封隴西王賀辭

老詔懷受父爵後例降爲公中間無罷黜之事又攷

太和十六年制異姓爲王者皆降爲公公爲侯侯爲

伯卽傳所云例降也陸麗與源賀皆異姓爲王者自

當依例得公爵乃麗子敞以自訟得之懷以丁艱不

容及例直至宣武之世上表陳請始得授北馮翊郡

開國公此事之可疑者細檢諸傳稱封爵者皆不言

食邑獨陸敞封鉅鹿郡開國公食邑三百戶源懷封

馮翊郡開國公食邑九百戶竊意魏制公侯五等皆

虛名無食邑懷雖身襲公爵而未有邑戶故云不霑

茅土之錫也又官氏志開國郡公第一品散公從第

品則散公與開國公班位亦有別矣品增公與樂
司馬休之傳司馬休之傳晉宣帝季弟譙王進之後也晉渡江之後進子孫襲封
譙王按進卒於魏世官止中郎其子遜於武帝初
始封譙王傳所書誤也譙王傳所書誤也
司馬楚之傳司馬楚之傳
奚斤既平河南以楚之所率人戶分置汝南汝陽南頓
新蔡四郡以益豫州此時豫州治虎牢魏收志所
謂北豫州也謂北豫州也

蕭贊傳

贊字德文本名綜南史贊作纘蓋承梁書之譌梁武
諸子名皆从糸旁綜既自稱東昏侯子而蕭寶夤為
之夏名必不从糸旁矣南北史各為立傳而北史較
畧蓋仍姚思廉魏收之舊文也南史既不可畧則北
史之傳可刪

盧元傳

曾祖湛晉司空劉琨從事中郎湛當作諶

監本作諶

彥卿貞觀中位石門令東宮學士北史載唐初事如
隋恭帝紀煬愍皇后蕭氏周宣帝皇后元氏靜帝皇
后司馬氏隋齊王暕子愍裴矩何稠諸傳皆述後事

以畢前文合于史例若長孫晟傳大唐貞觀中追贈
司空上柱國諡曰獻寶毅傳武德元年詔贈毅司空
云云齊清河王勣傳大唐褒顯前代名臣追贈都督
四州諸軍事定州刺史此以唐之外戚而特書房彥
謙傳貞觀初以子元齡著勳庸贈徐州都督云云魏
長賢傳貞觀中贈定州刺史此以唐之元勳而特書
猶有說也盧彥卿之流仕隋不顯在唐亦無可稱道
書之不勝書矣且於全書之例無常

盧勇傳

再遷揚州刺史鎮宜陽

揚州當作揚州下同

高允傳

古人云方一里則爲田三頃七十畝方百里則田三萬

七十畝

按古法一里三百步三三而九爲田九萬

步以畝法二百四十步除之得三百七十五畝舉大
數言之故云三頃七十畝

范陽祖邁徵士三十四人有名無字者祖邁劉策許

瑛宋愔潘符杜熙張綱王道雅閔弼郎苗侯辯呂季

才

崔仲方傳

謹案晉太康元年歲在庚子晉武帝平吳至今開皇六

年歲次庚午合三百七載
年歲在丙午唐人避諱稱景午也自庚子至丙午恰
三百有七年隋書本
作景午

陳氏草竊起于庚子至今庚午按陳武帝以丙子歲
景午之譌蓋校書者不知景卽丙字疑庚與景聲相
近而妄改之

張湛傳

燉煌淡泉人也卽淵泉縣避諱改

劉延明傳

昭王好尙文典涼武昭王單稱昭王猶諸葛亮諡忠
武而世稱武侯也

燉煌實錄二十卷隋書經籍志涼書十卷記張軌事

偽涼大將軍從事中郎劉景撰又燉煌實錄十卷劉
景撰疑卽一書而志析爲二也延明本名昞唐人避
諱或稱其字或改爲景

鄭羲傳

出爲西兗州刺史魏書地形志東郡治滑臺城天興

中置兗州此傳云西兗州者指此非志之西兗州也

志之西兗治定陶酸棗郵城皆東郡所屬故羲得表

文異

北史二

八

薦之高祐爲西兗州刺史鎮滑臺亦在高祖朝

鄭述祖傳

初述祖父爲兗州於鄭城南小山起齋亭刻石爲記述祖時年九歲及爲刺史往尋舊迹得一破石有銘云中岳先生鄭道昭之白雲堂按述祖之父道昭歷光青二州刺史未嘗爲兗州其大父羲則爲兗州刺史然羲爲兗州治滑臺與齊之兗州非一地疑兗當作光字之誤也

鄭譯傳

內史中大夫烏丸軌每勸帝廢太子周初功臣賜代

北姓者甚多北史皆書其本姓不書所賜姓如王軌賜姓烏丸氏惟鄭譯宇文忻梁士彥元巖達奚長儒來和傳稱烏丸軌皆沿隋書之文也隋本紀王軌言普六茹堅有反相此述當時之語當爾若紀事之文但稱楊堅不云普六茹

皮豹子傳

道明第八弟懷喜魏書高祖紀作懽喜本傳單名喜

田益宗傳

乃於新蔡立東豫州以益宗爲刺史地形志東豫州太和十九年置治廣陵城梁史所謂北廣陵也在淮

水之北今光州息縣地

孟表傳

除南兖州刺史領馬頭太守鎮渦陽 渦陽今蒙城縣

在淮水之北地形志楚州有馬頭郡領蕪平頭二縣

此淮南之馬頭也

在懷遠縣西南

南兖州有馬頭郡治建平

城領蕪已吾下邑三縣此淮北之馬頭即渦陽也

裴駿傳

子宣為益州刺史綏撫甚得戎羌之心後晉壽夏置益

州改宣所莅為南秦州

按地形志益州正始中置

領東晉壽西晉壽新巴南白水宋熙五郡即此傳所

云晉壽夏置益州也志又云南秦州真君七年置仇

池鎮太和十二年為渠州正始中置治駱谷城裴宣

莅益州當在正始初志云渠州疑益州之誤

劉休賓傳

及立平齊郡乃以梁鄒人為懷寧縣以休賓為令 按

地形志不載平齊郡而列傳往往見之崔道固傳徙

齊土望共道固守城者數百家於桑乾立平齊郡於

平城西北北新城尋徙居京城西南二百餘里舊陰

館之西

刊本陰誤作除今據水經注校改

房景伯傳獻文時三齊平

隨例內徙為平齊人劉芳傳梁鄒降芳北徙為平齊

人崔亮傳慕容白曜平三齊內徙桑乾爲平齊人是也水經注濕水逕陰館縣故城西縣故樓煩鄉也魏天安三年齊平徙其民於縣立平齊郡則道元著書之時郡尙無恙矣

地形志肆州雁門郡原平縣有陰館城樓煩城

魏書房崇

吉傳及立平齊郡以歷城民爲歸安縣崇吉爲縣令是懷寧之外又有歸安縣也

房彥謙傳

漢王構逆罹罪者多彥謙見張衡當途而不能匡救以書諭之有云若審知外內無虞嗣后纂統而好亂樂禍妄有覬覦則管蔡之誅當在于諒同惡相濟無所

逃罪梟縣孥戮國有常刑遂使籍沒流移恐爲冤濫恢恢天網豈其然乎罪疑從輕斯義安在 按隋書

國有常刑之下尙有二十字云其間或有情非協同力不自固或被擁逼淪陷凶威蓋彥謙之意以同惡者罪無可逃被逼者自從輕典所謂籍沒流移恐爲冤濫乃指情非協同者而言北史刪此數言失其旨矣

韓子熙傳

公其貪其情總下司

此齊州之太原故稱東太原

程駿傳

人將尚書

人將本長其情總下司

父肇呂光人部尙書 人部本是民部避諱改

楊素傳東太風太守 此齊州之太風也

進爵郢國公真食長壽縣千戶 按下文云改封楚公

真食二千五百戶又云別封一子義康郡公邑萬戶

素以宰相封國公僅食千戶而其子封郡公邑乃萬

戶蓋五等封邑皆虛名非真有食戶也唐人結銜有

食邑食實封之別蓋因於此宋則并所謂食實封者

亦有名而無實矣

楊元感傳

汲郡贊治趙懷義等 胡三省曰隋志煬帝改州為郡

郡置太守罷長史司馬置贊務一人貳之贊務即贊

治也隋書成於唐臣避高宗諱故改治為務 北史皆

惟此傳作治亦是後人所改非李史元文

楊寬傳

都督東雍州刺史即本州也 楊氏恒農華陰人後魏

置東雍州於鄭縣并立華山郡華陰蓋其屬縣故稱

本州

劉懋傳

孝昭初大軍攻碓石 孝昭當作孝明

常爽傳

攷異

北史二

三

武成西征涼土爽與兄士國歸款軍門武成嘉之 武

成當作太武

常景傳

肇尙平陽公主 按高肇傳尙高平公主

仍詔景爲幽安元四州行臺 幽安元止三州而云四

州疑有脫誤

邢邵傳

後楊愔與魏元叉及邵請置學奏曰二賢兩學盛自虞

殷 按史敘此事於太昌之後 太昌孝元叉死已久

矣北齊書以爲魏收者爲近之然攷之魏書李崇傳

此奏實出於崇與楊愔邢邵魏收諸人初不相涉其

文云伏聞朝議以高祖大造區夏道侔姬文擬祀明

堂式配上帝蓋孝明熙平二年太師高陽王雍等議

以高祖配明堂故有此奏其時靈太后臨朝攝政元

叉亦用事故有靈太后之令也竊意自請置學至累

遷尙書令加侍中凡六百六十七字皆李崇傳文錯

入此篇耳

武帝在京輔政 武帝當作文襄

宣武富於春秋 宣武亦文襄之譌下文宣武甚親重

之宣武還以邵言告暹暹卽啓宣武竝仿此

李崇傳

東荊州蠻樊安聚衆于龍山 按東荊州之名不見於

地形志酈道元薛真度房亮慕容儼俱嘗爲東荊州

刺史隋志淮安郡後魏置東荊州西魏改淮州者是

也

治比陽

魏錄室北齊書李元忠傳不言其宗人懸爲東荊州刺史

進討西荊諸蠻悉平 魏隋二志俱不載西荊州

後北鎮人破落汗拔陵反 作紀破六韓拔陵六韓與

落汗聲相近

崔光傳

祖曠仕宋爲樂陵太守於河南立冀州

宋志州治歷城

置郡縣

卽爲東清河郟人縣分易夏爲南平原貝邱人也

按宋書州郡志冀州所領有平原清河二郡貝邱與

郟皆屬清河初無南平原東清河之稱魏書地形志

有東清河郡郟與貝邱皆屬焉有東平原而無南平

原二志旣小異而貝邱之屬南平原則二志皆未載

也

趙隱傳清河後改爲平原

崔亮傳

徐州刺史元昞撫御失和 北史避唐諱改昞爲景此

昞字亦後人輒改

淳于誕傳

攷異

北史二

河

其先太山中人也 袁廷檣曰中當作博

張儼傳

出為東河間太守 此青州之河間因劉宋僑置之名 故加東以別之

劉藻傳

遷離城鎮將太和中改鎮為岐州 離當作雍字相涉 而譌

傅豎眼傳

拜靈越青州刺史貝邱子鎮羊蘭城 地形志樂陵郡 厭次縣有羊蘭城

靈越為太原太守升城 守下當更有守字

尋假鎮南休軍 休當作將

贈吏部尚書左齊州刺史 左字疑衍或有脫文

張烈傳

荊州刺史廣陽王禧 禧當作嘉本傳亦不云為荊州

刺史

袁翻傳

神龜末遷涼州刺史時蠕蠕主阿那瓌後主婆羅門並 以國亂來降朝廷問安置之計 按本紀及蠕蠕傳

阿那瓌以正光元年來降婆羅門以次年來降蓋翻

以神龜末遷刺史至正光之世上表言邊事耳
袁聿修傳
出爲信州刺史卽其本鄉也
隋志項城縣東魏置揚州又改北揚州後齊改曰信州袁氏世爲項人故云
本鄉也是時齊周皆有信州齊之信州在淮北周之信州在巴東

陽休之傳

魏收監史之曰立神武本紀取平四胡之歲爲齊元
當時稱尔朱爲契胡四胡謂尔朱兆與天光度律仲
遠也李百藥齊書敘韓陵戰功每稱破四胡北史亦
因之蓋承當時俗語神武雖專國政猶終臣位自當
效曹馬史例用元氏紀年且神武本封勃海王初無
齊名齊元之說理不可通伯起自我作古意主諂媚
休之駁改得其當矣

祖珽傳

嘗爲冀州刺史万俟受洛製清德頌
受洛卽受洛于也彼傳失書冀州刺史一節

參軍元景獻故尙書令元世儁子也
魏宗室傳失載

景獻名

是魏孝靜帝故博陵長公主所生
故當作姑

尔朱榮傳

北人語訛語尔朱爲人主

人尔聲相近

七音譜皆屬日母

詔百官議榮配饗司直劉季明日晉王若配永安則不能終臣節以此論之無所配 此述季明語當有脫

文通鑑載其議云若配世宗於時無功若配孝明親

害其母若配莊帝爲臣不終詞意完善永安孝莊年

號也孝莊之諡定於孝武當世隆議配享之日不當

卽稱莊帝北史作永安爲得之

文畧嘗大遺魏收金請爲父作佳傳收論榮比韋彭伊

霍蓋由此也 此事重見魏收傳然收初未以伊霍

比尔朱榮亦誇史者已甚之詞

尔朱仲遠傳

封清河公徐州刺史兼尙書左僕射三徐大行臺

徐者徐與東徐北徐也徐州治彭城東徐州治下邳

北徐州當治卽邱

尔朱世隆傳

今旦爲令王借車牛一乘 世隆稱令王者官尙書令

又封王也楊愔亦尙書令封公故稱令公斛律光和

士開皆官丞相封王故稱相王當時稱謂之不假借

如此

賀拔允傳

字可泥 齊神武呼允為阿鞠泥見齊本紀
其賊偽署王衛可瓌 北齊書作衛可肱周書太祖紀
作衛可孤孤肱瓌皆一聲之轉也高阿那肱傳云雖
作肱字世人皆稱為瓌音

賀拔岳傳

乃謂余朱氏一人為元帥 謂當作請

毛遐傳

北地三原人也 此曹魏僑置之北地郡非秦漢北地
郡魏志幽州有西北地郡秦昭王置而雍州亦有北

地郡魏文帝分馮翊之殿祔置即此北地也西魏置

北雍州于此

授遐南幽州刺史 幽當作幽

毛鴻賓傳

改三原縣為建中郡 中當作忠

辛雄傳

齊神武至洛於永寧寺大集朝士責雄及尚書崔孝芬
劉廞楊機等曰為臣奉主匡危救亂若處不諫諍出
不陪隨緩則耽寵急便竄避臣節安在乃誅之 此
語已見齊本紀當刪此存彼

辛德源傳

尚書僕射楊遵彥殿中尚書辛術皆一時名士竝虛襟禮敬按德源卽術之族子附見術傳之後乃忽有一時名士虛襟禮敬之語此豈可施於族父與族子者乎

北史二

北史三

廿二史攷異四十

錢大昕學

齊宗室諸王傳

趙郡王叡其母魏華山公主也下文云母元氏華陽長公主封號互異

清河王岳王懋竝曰高岳爲鄴中四貴之一其恃權

放縱蓋亦相當而傳不言其事此以士廉故諱之也于氏長孫氏多佳傳則以志寧與无忌之故長孫晟傳最餘冗而畧不筆削後梁主諸傳皆無貶詞房彥謙與張衡書蕪雜多難解而全載之又以蕭瑀房喬

故也魏長賢魏史不載以文貞故特為立傳薛聰薛
孝通於魏史之外多有增益亦必本之薛收家傳以
此推之凡所褒稱未必皆當其實大昕按楊雄父子
之得佳傳以恭仁
故也令狐整父子之
得佳傳以德棻故也

子勸襲爵清河王改封安樂侯按齊書以清河地在
畿內改封樂安王此云安樂侯者誤

南安王思好斫骨光弁奉使至州廣韻漢復姓有

斫胥氏何氏姓苑云今平陽人此作骨字相似而譌
也恩倖傳作研胥光弁研又斫之譌即一人

神武諸子傳

永安王浚保定初進爵為王保定當作天保

彭城王浟史君在滄州曰漢人稱刺史為使君以

其奉使刺舉而言六朝人多稱刺史為史君則以官
名有史字故也予家藏東魏興和二年敬顯儁碑額

題敬史君字畫分明高浟為滄定二州刺史亦在東

魏時傳稱史君與石刻正合監本改史為使所謂少

所見多所怪也

藝文堂刻史儁碑君字今通語碑字有作史者偶以同音通借且魏齊諸碑謄錄百出其或從俗
省借之字多不實刻此傳史君自是使君之誤後氏乃謂六朝人稱刺史為史君不特古無此比且
其諸州刺史之下尚有長史若使史君何以為此誤長好異之過也

文襄諸子傳

廣寧王孝珩主齊叛臣乞扶令和乞扶即乞伏也

文宣諸子傳

范陽王紹義 遂卽皇帝位稱武平元年 元年當作
九年蓋後主以武平八年失國紹義逃奔突厥至次
年因高寶寧上表勸進乃稱帝仍用武平之號不自
改元也通鑑書此事於前一年乃云改元武平殊失
其實然因此知北宋本已誤九爲元而溫公亦未能
校正也

破六韓常傳

單于之裔也 按齊書常字保年附化人延壽削而不
書則總論中保年之於關右 今刊本關譌爲開又義
脫右字遂不可句
異策名二句殊無謂矣

初呼廚貌入朝漢 貌當作泉泉譌爲兒後人又妄加
豸旁

其子孫遂以潘六奚爲氏後人訛誤以爲破六韓 潘
破聲相近奚何聲相近何又轉爲韓也

尉長命傳

子興字敬興瘦弓馬有武藝位冠軍將軍 按齊書長
命子興敬高祖引爲帳內都督高祖攻周文帝于邕
山興敬因戰爲流矢所中卒贈涇岐豳三州軍事諡
曰閔莊北史綦連猛傳附載尉興慶事云苾山之役
興慶救神武之窘爲軍所殺超贈儀同涇州刺史諡

曰閔壯

神武本紀亦載與慶事

是與慶即與敬矣乃不附其父

而別見它傳豈誤初與慶與敬為兩人乎

齊書作與敬蓋避齊

廟諱此傳作敬與則轉寫俱倒耳

任祥傳

祥字延敬

齊書作任延敬不云名祥

張保洛傳

贈前官追復本封

按齊書保洛子默言嗣武平末衛

將軍此傳失書

從神武出山東又有賀拔仁麴珍段瑛尉標子相貴康

德韓建業封輔相范舍樂牒舍樂

按齊書無賀拔

仁范舍樂而有乞伏貴和令和兄弟北史別為乞伏

慧立傳即令和也故不及焉康德齊書作王康德封

輔相事又見范陽王紹義傳

張瓊傳

瓊子欣尙魏平陽公主除駙馬都尉與公主情好不篤

尋為孝武所害

按后妃傳魏孝武妹平原公主適

開府張歡歡遇之無禮帝殺歡改封為馮翊公主以

配周文帝即此公主也齊史避諱改歡為欣惟公主

云封號一云平原一云平陽不免抵牾

慕容紹宗傳

吾自數年已還恒有蒜髮 蒜不成字當作蒜

元景安傳安平風一云平顯不與蒜說

魏昭成皇帝之五世孫也齊北史於元氏子孫仕宅姓

者雖世系可攷皆各自為傳不附入魏宗室篇殊有

深意

高隆之傳平顯公主刺博濟郡與公主海故不為

齊受禪進爵為王 上文不云封平原郡公而忽云進

爵為王與它傳例異延壽刪改舊史之文往往失當

畧舉一隅可徵舊史之不可廢

庫狄士文傳

刺史羅殺政司馬蝮蛇與 羅殺即羅刹也

趙彥深傳

隱字彥深避齊廟諱故以字行 齊神武六世祖名隱

也竇泰尉興慶皆歿於魏世故不避

魏收傳

自序漢初魏無知封高良侯子均均子恢恢子彥彥子

歆歆子悅 按魏悅與李孝伯同時孝伯以女妻之

蓋在太武之世自漢初至後魏太武時計六百餘年

而無知至子悅僅傳六世此理之所必無者魏收自

序今日不傳後人又取此篇補之要之必有脫文矣

楚缺軍魏書言欲在成帝
世任征虜太守仍家焉成帝
若漢成帝也而下云其子悅
為李孝伯婿即收之祖雖
大恩若不致此北齊者
魏收傳云曾祖緝祖緝
與此不同蓋中有脫文也
多悅與收之父字建當相
隔十餘世子建之祖名緝
父名緝自為可係為孝伯
婿若乃證而非悅也今魏
書序傳反北齊者魏收
序已之後人取北史此傳

前年以補魏書後世補
北齊書分三史文字是
而此史亦有脫文蓋與
故正年取北史以補北齊
出趙字時人故時北史
傳相完故得載解詁之
在也

無知封高良侯亦班史所無

唐書宰相世系表作高梁侯

正光五年南北二秦城人莫折念生韓祖香張長命相

繼構逆天地形志有秦州有南秦州未見北秦之名

蓋對南而言以秦州為北秦也

敘傳李彥為秦州刺史正光五年城人薛

珍等害彥推其黨莫折大提為帥

則韓彭伊霍夫何足數魏書尔朱榮論本作彭韋謂

大彭豕韋也此作韓彭亦後人妄改

其後羣臣多言魏史不實武成復赦夏審收又迴換遂

為盧同立傳崔綽反夏附出楊愔家傳本云有魏以

來一門而已至是加此八字又先云恒農華陰人乃

改自云恒農人以配王慧龍自云太原人此其失也

按史云加此八字不知所加何文今據魏書楊氏

家傳末云一家之內男女百口總服同爨庭無間言

魏世以來惟有盧淵兄弟及播昆季當世莫逮焉乃

悟有魏以來一門而已八字乃是收之元本至是去

此文而加入盧淵兄弟以配之耳方天保之世楊愔

當國用事收為其家立佳傳并稱其家門邕睦獨冠

魏朝故愔感其意以抑塞謗史者及武成時愔已見

殺而盧思道前以謗史獲臯今稱其家門之美

盧淵思道

之大欲以釋憾于思道也王松年前亦訟史不平故

改書楊氏自云恒農人以配王氏自云太原人亦以

釋憾于松年也松年慧龍之後崔綽附見其子鑒傳

博陵崔巖嘗以雙聲嘲收曰遇魏收衰曰愚魏齊書

祇有思魏衰收四字愚與魏同聲衰與收同聲也此

文重沓不倫當改從齊書

飯房笞籠著孔嘲玎孔與著非雙聲當是札之譌或

云著當作看

魏澹傳

詔澹別成魏史為十二紀七十八列傳別為史論及例

各一卷合九十二卷按隋志魏彥深後魏書一百

卷卷數與此不合

周諸王傳

齊王憲斛律明月時在華容華容當作華谷斛律

光傳武平元年冬率步騎五萬於玉壁築華谷龍門

二城

李密傳

共你論相殺事何須作書傳雅語按你字古書所無

北史始屢見之李幼廉傳齊文襄謂陳元康曰我教

你好長史處許善心傳我好欲放你敢如此不遜突

厥傳你能作幾年可汗隋書五行志武平元年童謠

曰狐截尾你欲除我我除你二年童謠曰和士開七月三十日將你向南臺皆齊隋人語也廣韻你乃里切秦人呼傍人之稱

宇文愷傳

堂脩二七博四脩一 此引考工記改廣為博避煬帝名也下文引胡伯始注漢官亦避廣字因稱其字

侯莫陳崇傳

隋文大業初以譴流配嶺南 文字衍

王盟傳

父熙伏波將軍 此又一王熙

賀蘭祥傳

拔其洮陽洪和二城以其地為洮州 隋志澆河郡河

津縣後周置洮河郡開皇初郡廢而不詳洮州建立

本末

史寧傳

轉東義州刺史東魏亦以胡梨苟為東義州刺史 按

魏收志有兩義州一寄治汲郡一不言所領郡縣但

云蕭衍置武定七年內屬據隋志羅田縣梁置義州

義城郡當即此矣而未見東義州之名

斬其洛安郡守馮善道 洛安蓋東義州屬郡魏志亦

未見
權景宣傳

廼授并安肆郢新應六州諸軍事并州刺史
此西魏所置之并州治隨郡非晉陽也安州治安陸郡肆州治下澁皆西魏置新應二州則梁所置也新州本新陽縣梁置州及梁寧郡今京山縣應州本永陽縣梁置州即今應山縣

永州刺史蕭世怡
此永州在汝南隋志汝南郡城陽縣後魏置城陽郡梁置楚州東魏置西楚州後齊曰永州魏收志西楚州治楚城即此永州也

王思政傳

并州刺史行臺如故仍鎮玉壁
是時西魏未得并州思政以并州刺史鎮恒農又移玉壁皆遙領非實土也

尉遲迴傳

紀安州刺史樂廣以州先降
按隋志普安郡梁置南梁州後改爲安州

樂運傳

南陽清陽人
按魏隋二志南陽郡無清陽縣清當作

清

遂左遷運爲廣州泚陽令 此廣州當治魯陽而隋志

不見泚陽縣之名

蘇威傳

治書侍御史梁毗劾威兼領五職 北史避唐諱治書

侍御史皆去治字惟此傳及皇甫誕劉昉傳有治字

亦校書者所增

韋孝寬傳

拜右將軍南幽州刺史 幽當作幽唐永傳行臺蕭寶

寅表爲南幽州刺史亦幽字之譌魏時無南幽州也

以功除浙陽郡守 浙當作浙

遣其揚州刺史牛道恒 按東魏置陽州於宜陽此揚

字當爲陽

孝寬因令曲巖作謠歌曰百升飛上天明月照長安百

升斛也又言高山不摧 祖珽傳作推 自崩榭樹不扶自豎

令謀人多齎此文遺之於鄴祖孝徵既聞夏潤色之

此事已見祖珽斛律光傳三處重複何不去二存

一

韋壽傳

歷位恒尾二州刺史 尾當作毛隋置毛州於館陶縣

韋洸傳

及陳平拜江州總管

隋時江州嘗置總管府而隋志

韋師傳

于時廣為雍州刺史存望第以司空楊雄尚書左僕射

高頴並為州都督引師為主簿州都下疑衍督字

魏晉以後諸州皆置大中正以甄別流品隋時避諱

改為州都而去中正之名後人校書不達州都為何

語妄加督字隋書既然北史亦尔真所謂以不狂為

狂也高頴自言勃海蓀人而得為雍州州都者頴賜

姓獨孤獨孤為代北貴族周隋之世代人例稱京兆

人也韋氏京兆望門師又為州主簿而世約位在師

下故世康以州都不平為恨此何與都督事乎據本

紀煬帝時為雍州牧非刺史當從隋書作牧為是

王勇傳

大軍不利惟胡仁及王文達耿令貴三人力戰大軍

上脫邨山之戰四字

劉雄傳

臨洮子城人也魏志臨洮郡無子城縣

泉仲遵傳

遂於上津置南洛州按隋志西城郡豐利縣下云梁

置南上洛郡西魏改郡曰豐利後周省郡入上津郡
而不言置南洛州史之漏也

改巴州為洵州隸于仲遵 此巴州非清化之巴州亦
非閬中之巴州隋志西城郡金川縣下云後周置洵
州尋廢者卽此而不云嘗為巴州則志之闕也

扶猛傳

猛仕梁位南洛北司二州刺史 據此則梁時亦有南

洛州大約置於蠻地

割二郡為羅州 隋志房陵郡竹山縣梁曰安城西魏
入焉置羅州卽此州也二郡之名未詳

席固傳

後轉湖州刺史 此湖州治春陵郡之湖陽縣卽後魏
之南襄州也

豆盧寧傳

羌帥傍乞鐵公 趙剛傳作傍乞鐵忽

韓禽傳

拜禽廬州總管 廬州置總管府隋志失書

申徽傳

先是東陽王元榮為瓜州刺史其女婿劉彥隨焉
狐整傳作鄧彥

元定傳

父道龍鉅鹿郡守

按史漢鉅鹿之鹿皆不从金旁俗

人因上一字例加之然漢尹宙碑分趙地為鉅鹿則

東漢已有此字矣後魏孝文帝比干文碑陰有鉅鹿

伯魏祐

楊慄傳

正平高涼人也

按魏志高涼亦郡名與正平同隸東

雍州

南汾二絳

二絳謂南絳北絳也

劉璠傳

嘗於新渝侯宅因酒後詬京兆杜杲曰寒士不遜按

杜杲祖父世仕魏朝杲又未嘗流竄江左何緣在梁

新渝侯宅乎周書作杜騫當從之

高頴傳

俄而上柱國王積以罪誅

即王世積也王懋竝曰北

史例不避世字此卷世室作代室王世積去世字與

它卷例異李德林傳稱晉王諱而不名亦與它傳異

每卷末各有總論而此卷無之疑北史闕此卷後人

別據它書補之

牛里仁傳

晉秘書監荀勗定魏內經夏著新簿勗著中經簿此

稱內經者避隋諱也隋文帝父名忠并諱中字祖名

禎并諱貞字李孝貞字元操開皇初以犯庸諱稱字

黃曰神升升當作斗神晉至魏而不改本與字音異

案晉內書監荀勗本中書監避諱改世辭去世字與

李德林傳神武公紇豆陵毅即竇毅也此傳獨書賜姓與它篇

神武公紇豆陵毅

異

宜作大丞相假黃鉞都督內外諸軍事是時隋未受

禪不當避中字蓋史家追改之下文云授丞相府從

事內郎亦是追改

初德林稱其父為太尉諮議以取贈官李元操陰奏之

曰德林父終於校書安稱諮議按隋志校書郎正

九品親王諮議參軍事則正五品

郭衍傳如文成王時先屯京口於貢州南與賊戰敗之隋書作貴州

先屯京口於貢州南與賊戰敗之

袁充傳

唐堯景辰生景子年受命按袁充以唐堯受命在丙

子歲本於汲家紀年其云堯四十九年甲子天正十

一月庚戌冬至未審出何書也今世俗以甲辰為堯

元載出於皇甫謐帝王世紀而劉恕通鑑外紀又以
戊辰爲堯元年世代懸遠宣尼所不言史遷所未錄
皆當在存而不論之例

李雄傳

父棠名列誠義傳按北史有節義傳無誠義傳延壽
於外戚文苑良吏酷吏諸篇有家傳可附者例皆歸
并李棠父子何以獨殊亦不可解

段文振傳

北海期原人也按隋志北海無期原縣

樊子蓋傳

會來護等救至按周法尚衛文昇樊子蓋諸傳及總
論皆稱來護兒爲來護是當時有此稱非史脫文

李景傳

天水休官人也隋志天水無休官縣

張齋傳

本名犯廟諱南北史於犯諱改名皆不言本名獨此
傳及之蓋本名大淵避諱連爲一字

宇文述傳

時鐵勒契弊歌稜攻敗吐谷渾契弊卽契苾也

宇文化及傳

時士及在公主第弗之知也 士及爲唐宰相史家曲
筆爲之解脫恐非其實谷 按李崇傳畧不及峻
外戚傳

今以劉羅辰李峻等附其家傳 按李崇傳畧不及峻
事與此文不相應

又檢楊騰乙弗繪附之魏末 按乙氏自有家傳繪又
無事迹可稱正當類敘以省繁複何須別入外戚邪
李氏徒見魏澹書有此二人亟爲附益而不知乙弗
氏之卽乙氏乙弗莫瓌之卽乙瓌若以乙弗后與乙
瓌兩傳參校去其重沓又以繪附其父瑗之後庶幾

簡而有法矣予嘗論史家先通官制次精輿地次辨
氏族否則涉筆便誤

馮熙 聿同產弟風幼養于宮文明太后特加愛念數
歲賜爵至北平王 按孝文紀太和二年正月封昌
黎王馮熙第二子始興爲北平王始興與風殆一人
也紀稱始興爲熙第二子今據此傳熙子誕誕弟脩
脩弟聿聿弟風則風爲第四子但誕脩皆公主所生
而聿與風庶出同母聿爲廢后同產兄其年未必小
於脩傳以聿爲脩弟恐未必然

胡長仁 先是太白食昴占者曰昴爲趙分不利胡王

長仁未幾死。按胡長粲傳除趙州刺史先是望氣者上言太白食昴尚書左僕射徐之才語和士開曰昴趙分或云趙地有災古者王侯各在封邑故分野有災當其君長今吾等虛名竟不之國刺史專令一境善惡所歸比來多以刺史爲驗未幾而長粲死焉此卽一事而傳聞異辭當以彼傳爲是長粲爲趙州刺史星犯趙分故當其咎與胡姓何預焉延壽兼存之且在一卷之中未免冗而疏矣

子君璧襲爵隴東王君璧弟君璋

按祖珽傳皇后兄

胡君瑜君瑜兄梁州刺史君璧君瑜與君璋未知卽

一人否而君璧爲梁州刺史則此傳失書

儒林傳上

中山張彫武

按下文敘諸儒通春秋者祇稱張彫齊

本紀文苑傳亦作張彫崔季舒傳作張雕蓋本名彫虎或改爲武或去其下一字也彫彫古通用

又有衛凱陳達潘叔虔

此三人

傳服氏春秋者衛

凱蓋卽衛冀隆也賈思同傳國子博士遼西衛冀隆精服氏學上書難杜氏春秋六十三事思同復駁冀隆乖錯者一十餘條互相是非積成十卷思同卒後魏郡姚文安樂陵秦道靜復述思同意今春秋正義

往往引衛冀隆秦道靜說是二家之書雖亡而未盡
亡也蘇瓊傳除南清河太守每年春總集大儒衛覲
隆田元鳳等講於郡學覲與冀音義相同此傳又脫
隆字
劉獻之儻不能然雖復立身之道有何益乎雖復
下有脫文魏書云雖復下帷針股躡屨從師正可博
聞多識不過爲土龍乞雨眩惑將來其於立身之道
有何益乎凡多二十七字

石曜中山安善人袁廷檣曰善當作喜

李業興梁武帝問尚書正月上日受終于文祖此時

何正業興對曰此夏正月梁武帝問何以得知業興
曰案尚書中候運衡篇云日月營始故知夏正按
業興据中候文證正月爲建寅之月以月令孟春日
在營室故也攷堯時冬至日在虛則建寅之月日躔
當在奎婁已過營室一次不得云營始業興未通歲
差故有此言

九百八十七爲升分升當作斗

邢峙河間鄭人也鄭當作鄭權會黎景熙傳皆誤

作鄭

張景仁家貧以學書爲業遂工草隸景仁工書小

技又非精通六書如江式之比不當列於儒林史家
因馬敬德而附及之篇首敘諸儒傳授初無景仁名
也目錄當小字分注於馬敬德之下今刊本皆作大
字別為一行殊失史家之旨

文苑傳

比於建安之徐陳應劉元元之潘張左東元元當作

元康

范陽盧思道安平李德林河東薛道衡趙郡李元操日

上文已見諸人姓名元操即孝貞也此更舉其族望於義無

當

河東柳誓 誓當作詈讀如辯論之辯此六朝俗字所

謂巧言為辯也隋書作詈唐人石刻亦多作詈字

李文博 通說不持威儀 悅即脫字之俗北史多俗

字考為拷尉古真改孝言李惠等傳聽為廳楊津算為竿慕容紹

稱為秤王羆名腹為肚熊安生傳呼尔為你李幼廉許善心李密等傳

循吏傳

蘇瓊 除南清河太守 隋志高唐縣後魏置南清河

郡

零陵縣人魏雙成魏志南清河有零縣無零陵縣陵

字衍

藝術傳上

檀特師人大統十七年春初忽著一布帽至三月而魏文帝崩復取一白絹帽著之未幾丞相夫人薨後又著白絹帽尋而丞相第二兒武邑公薨按宋獻公震傳大統十六年封武邑公其年薨是卒于魏文帝之世與此傳不合

顏惡頭兌上天下土是今日庚辛本宮火故知卜父予謂兌之履土六一爻變也上六丁未土土生金金爲兌本宮土則本宮之父也未土一爻特變故知爲父而卜當云兌上六丁未土譌六丁爲天下又脫

未字也火當爲父字之譌

今三月土入墓又見宗廟爻發故知死土生于申墓于辰三月建辰土入墓也上爻爲宗廟

變見生氣故知蘇上爻丁未變爲壬戌土土爲本宮父母卽生氣也

兌爲言故父言故知有言故父言三字恐有譌乾爲父兌化爲乾故知父有言

未化入戌爲土三月土墓戌又是本宮鬼墓兌爲金宮金以火爲鬼火墓于戌故云本宮鬼墓

未後三日至戌故知三日復死戌爲鬼之墓未至戌

信都芳以渾天覆觀以靈憲爲文蓋天仰觀以周髀爲
法覆仰雖殊大歸是一按渾蓋二家其原皆出於
馮相氏而周髀一書猶存三代之遺言自揚子雲著
論抑蓋而申渾後之言天者多宗之而蓋天之義幾
晦近世歐邏巴人入中國製器有渾蓋通憲之名而
後步天家始知蓋之不悖于渾然攷之梁世崔靈恩
已有渾蓋合一之論北齊信都芳亦云覆仰雖殊大
歸是一則古之人固有先得我心者矣

陸法和 既入荊州汶陽郡高要縣之紫石山 按宋

書州郡志汶陽領僮陽沮陽高安三縣隋書地理志
遠安縣舊曰高安置汶陽郡此作高要者誤也高要
在嶺南與此不相涉

藝術傳下

徐謩 丹陽人也家本東莞與兄文伯等皆善醫藥

按南史稱東海徐文伯此云家本東莞當有一誤南
渡後東海郡僑治京口故謩得爲丹陽人然南史載
宋文帝云天下有五絕而皆出錢唐其一謂徐道度
療疾也道度卽文伯之父則文伯當居錢唐矣或謩
與文伯雖爲兄弟行而所居異地乎

文伯仕南齊位東莞太山蘭陵二郡太守子雄員外散
騎侍郎按南史文伯除鄱陽王常侍雄位奉朝請
與此傳所載歷官互異

恩倖傳

王遇與雷党不蒙俱為羌中強族雷一姓也党一
姓也不蒙一姓也魏書太祖紀有羌酋不蒙娥不蒙
或作夫蒙廣韻羌複姓有夫蒙氏後秦建威將軍夫
蒙大羌古音不如柎故與夫同

契丹傳

契丹犯塞文帝親戎北討文帝嘗作文宣書於此

蠻獠傳

延昌元年拜南荊州刺史居安昌隸於東荊按南荊
州不見於地形志攷隋志春陵郡後魏置南荊州其
屬縣春陵舊置安昌郡此即延昌所置之南荊也

氏傳

後為乞佛乾歸所殺乞佛即乞伏也佛伏聲相近
盛雖蕃于宋仍奉晉永熙之號永熙當作元熙

匈奴宇文莫槐傳

匈奴宇文莫槐出遼東塞外按匈奴宇文氏徙河段
氏與慕容石氏同時攷其興廢始末皆在後魏登國

文選

北史三

三

以前魏收意在誇大皆編入魏書北史懲收之失凡劉石苻李諸傳皆所不取則此二篇亦當在芟汰之例矣

突厥傳

號伊利俱盧設莫何始波羅可汗一號沙鉢略予謂沙鉢略卽始波羅之轉譯語無定字非有兩號也

處羅侯竟立是爲葉護

按長孫晟傳遣晟持節拜處

羅侯爲莫何可汗雍閭爲葉護可汗與此不同

敘傳

信孫元曠仕漢爲侍中元曠弟仲翔位太尉

按晉書

涼武昭王傳稱仲翔漢初爲將軍此云太尉者誤也

漢初爲太尉者惟盧縮周勃灌嬰三人

除唐州下澁郡太守

按隋志西魏改瀝西縣爲下澁

不言隋置下澁郡

孝文初除長安鎮都將轉西汾州刺史



按魏志無西

汾州

延寔以太保犯祖諱

延實祖名寶而辭太保之官猶

唐人譏李賀父名晉肅不當舉進士也



1111

卷一